



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XXI. Complures Episcopi monasteria Augustinianæ Religioni
constituunt, quæ etiamnum hodie tot afflicta persecutionibus constat.

urn:nbn:de:hbz:466:1-42857

mendauerunt illos memoria. Venit autem generatio quæ nunc est, & scripsit eos in chartis & membranis, &c. & posuit eos in fenestris vel cistis otiosos.

CAPVT XXI.

Complures Episcopi monasteria Augustiniana Religioni construunt, quæ etiamnum hodie tot afflicta persecutionibus constat.

DIVERSARVM nationum Episcopi, cum ad Prouincialia Comitia in Africam sæpius conuenirent, videntes hoc Augustini institutum ita propagatum, & tot è discipulis eius creatos Episcopos, quodque in Conciliis inuenirentur literati non pauci de monasteriis prodeuntes; ad sua reuersi, magnopere laudabant hæc incrementa Ecclesiæ Africanæ: quod eadem quæ vix antè poterat Episcopos obtinere Catholicos, iam abundaret Monachis & Clericis, per quos hæresis extirparetur, & pietas omni modo promoueretur. Quamobrem Innocentius I. hoc institutū magnopere probauit, & Eremitas quàm plurimos sub hac à se cōfirmatâ Regulâ coadunauit. Zozimus autem iuxta Ilescam, iisdem viris religionis facultatem dedit Euangelium vbiuis prædicandi, idque ratione multiugæ eruditionis, atque eximie sanctitatis, quibus

Platina in
Inoc. I.
Henricus
ab Vrma-
riâ.

B. Iordanus
lib. I. Vitæ
fr. cap. 19.
Lib. 2. c. 9.
& 10.

M 2

tunc

Possid. c. 5.
Vita.

Boët. Sa-
bell. & Me-
din. de Cō-
tinentiā
lib. 1. c. 53.

tunc mirabiliter efflorescebant, utpote
ipsumet Augustino, copioso fonti sapientiæ
plurimum vicini. Vnde volunt holce Ere-
micolas ex primis vel etiam primos Reli-
giosos ab Apostolis fuisse, qui palam Euan-
gelium ubique gentium prædicarunt. Haud
igitur mirum, si diuersis priuilegiis vitæ sal-
tē vocis & fauoribus iam olim eos persecuti
fuere Pontifices Romani, utpote Sixtus III.
Leo I. Gelasius I. (quem in monasterio
conuixisse volunt S. Augustino, mona-
chumque fuisse) Symmachus Sardiensis, &
alij deinde plures. Quā re factum est, ut per
omnem Africam (quod antè diximus)
transmarina loca, vastissimasque Ægyptiac
Æthiopie regiones, quas idem vir sanctus
amore martyrij salutisque proximorum
lustrasse prædicando dicitur, Augustiniana
familia tantum incrementi acceperit, ut
monasteriorum iniri numerus haud possit;
nedum eorum census institui, qui sanctita-
te ac eruditione in iisdem præstitere. Hac
eadem Augustiniana Religio singulari Dei
beneficio refert acceptum, quod inter sa-
uissimas bellorum tempestates, quas omnis
generis barbaræ nationes in diruendis eiuf-
dem domibus excitauerunt, non tantum
non defecerit, ut etiamnum post tot sæcula
vigeat atque reflorescat. Refert hoc ipsum
præcla-

præclaris etiam parentis sui meritis acceptum. Nam, ut ait Spiritus sanctus, *Benedictio patris firmat domos filiorum*; quod etiam hac tempestate perftet, intercessionibus eius apud Deum se debere fatetur. Et si enim in Beatorum sedes ab illâ sit translatus, eius nihilominus fauorem experitur; & quem in terris meruit habere Patrem, eundem sentit in cælis patronum.

CAPVT XXII.

Augustiniani bono publico in ciuitates aduocantur.

RETINET autem hæc sacra Religio Cur Augustiniani vocentur Eremitæ. vetus Eremitarum nomen, tamen nunc in urbibus habitat; à primâ suâ per Augustinum in Eremo circa annû Domini CCC.LXXXIX. institutione, & priscâ deinde solitudines incolendi consuetudine: quæ eousque perseuerauit, donec ab Innocentio & Alexandro IV. Pontificibus Romanis, iidem Eremitæ per cælestem visionem, loco, habitu & regulâ, cum pluribus aliis variè sparsis, sub vno capite ac Generali Patre adunati in vtilitatem Catholicæ plebis, ad ciuitates sunt inuitati; facultate datâ iis qui in Eremo persisterere vellent: plurimumque adaucti fuere, ceu stellæ cæli, quarum ob multitudinem iniri numerus non potest.

M 3

Quæ